

Poštovani,

Želimo vas informisati da je sa radom počela Fondacija Lejla Hairlahović-Hušić, koja je nedavno uspostavljena s jednom jedinom namjerom – osigurati i omogućiti da sve vrijednosti u koje je Lejla vjerovala nastave postojati i dalje.

A ona je najviše vjerovala u znanje i sve oblike usavršavanja djece i mladih. Njena ovozemaljska misija je bila prosvjetiteljska, te stoga želimo da ta misija nastavi svijetliti jednakim intenzitetom kroz rad Fondacije. „**Obrazovanje je nešto što će dati potpuni okvir našem društvu i zajednici**“ govorila je Lejla.

Osnovni cilj Fondacije je pružanje pomoći u školovanju, stručnom, sportskom, naučnom i/ili umjetničkom usavršavanju, te drugim oblicima podrške djeci i mladim ljudima; stipendiranje i podupiranje nadarenih učenika i studenata, te onih slabijeg imovinskog stanja, prikupljanje novčanih i drugih sredstava i upravljanje tim sredstvima sa pažnjom dobrog domaćina kao i pomoć pri upisu na fakultete i pri zapošljavanju mladih stručnih kadrova.

Osim vlastitih sredstava Fondacije, pozivamo i Vas da i Vi uzmete učešće u ovoj plemenitoj misiji tako što ćete doprinijeti osiguranju finansijskih sredstava radi ostvarenja Lejlinog sna - da se pruži prilika i mogućnost za obrazovanje i onima koji to danas nisu u stanju sebi priuštiti.

Rad Fondacije i stipendiranje učenika i studenata možete podržati uplatom novčanih sredstava na račun broj **1414765320045680** otvoren u Bosnia Bank International sa naznakom “za stipendiranje”.

Fondacija će na godišnjem nivou dodjeljivati određeni broj stipendija u skladu sa raspoloživim sredstvima a na temelju javnog konkursa za stipendiranje i na temelju javno i transparentno objavljenih kriterija.

Pored direktnih uplata na račun Fondacije, detaljnije informacije o drugim načinima na koje možete podržati ovu plemenitu misiju možete naći na Internet prezentaciji Fondacije [www.fondacijalejla.ba](http://www.fondacijalejla.ba)

Prigrlimo dio Dobra koje je Lejla nosila i nesebično djelila. Pomažući drugima, činimo sebe boljim ljudima. A nekom dati priliku da se obrazuje najviše je što živ čovjek može učiniti. Upravo onako kako je to Lejla činila.

Iskreno hvala za Vaše sudjelovanje.

Predsjednik Fondacije